



— 密教簡介 —

地藏王菩薩威德力的認知(之 4)

(本篇文章為張玄祥居士所撰，未經同意，請勿引用轉載，以免犯戒。)

九、佛說地藏王菩薩之威德相(續)

《大方廣十輪經》云：「若有眾生為多聞、為信、為戒、為施、為禪定、為神通、為解脫，為色聲香味觸、為諸功德，為工巧華果樹木敷具，為增益財利，為諸醫藥房舍屋宅，為使水雨順時，為得清涼，為求男女妻子方便修福，為除寒熱令得正念，求如是等種種因緣，能稱地藏菩薩名號一心歸依者，此善男子，威德力故，悉能稱彼無量眾生功德所願。」

譬如下種於彼荒田，能稱地藏菩薩名號一心歸依者，皆悉變成微妙勝果，何以故？此善男子，以於過去無量阿僧祇不可數劫，如來之前發堅誓願，猶如大地，令一切眾生皆得受用。是善男子，功德力故，能令善根牙莖、枝葉、乃至華果，皆悉潤澤增長成熟，若有眾生造作諸惡十不善業，能稱地藏菩薩名號一心歸依者，一切結使煩惱消滅，遠離十惡、成就十善，於諸眾生起慈悲心興利益心。是善男子，以精進力於一食頃，無量阿僧祇諸佛世界於一一佛國，以一食頃，度脫無量恒河沙阿僧祇眾生，以是相貌令脫諸惡，皆悉成就不可思議功德。

此善男子，以是堅固誓力，能令成熟一切眾生，如是族姓子，或作梵天身成就眾生，或作自在天，大自在天，摩醯首羅天，或作欲界他化自在天、化樂天、兜率陀天、炎摩天、帝釋身、四天王身，或作菩薩身，或作辟支佛身，或作聲聞身，或作轉輪聖王身，或作婆羅門、刹利、毘舍、首陀等身，或作男身、女身，或作童男、童女身，或作乾闥婆、緊那羅、摩睺羅伽、天、龍、夜叉身，或作羅

剝身，或作鳩槃荼身，或作毘舍闍身，或作富單那身，或作師子身，或作虎狼身，或作象身、馬身，或作水牛身，或作種種鳥身，或作閻羅王身，或作地獄卒身，或作地獄身，為諸眾生種種說法，隨諸眾生顯示三乘，皆悉令住不退轉地。

此善男子，成就如是不思議功德伏藏，以解脫寶而自莊嚴，亦是菩薩諸法之母，向大涅槃無上商主。善男子，彌勒、文殊、觀世音、普賢等而為上首，如是等恒河沙諸大菩薩，若人於百劫中，禮敬供養欲求所願，**不如於一食頃，禮拜供養地藏菩薩，功德甚多所願速得皆悉滿足。**何以故，此地藏菩薩，於一切眾生能大饒益，為如意寶故，此族姓子，若欲成熟眾生故，能發堅固大悲伏藏，令滿一切眾生心願，是故善男子善女人，應當供養地藏菩薩。

時會大眾十方來者，菩薩摩訶薩及諸聲聞，一切天人、夜叉、乾闥婆等，從坐而起隨力供養，或以金銀等屑散彼地藏菩薩上，或以種種寶華衣服、摩尼寶珠、及華鬘、珠璣、金縷幡蓋，以散地藏菩薩上，復以無量音樂種種讚頌，供養地藏菩薩。

爾時地藏菩薩摩訶薩，復以此供施修伽陀即說偈言：

天人龍神所供養 十方菩薩皆來集 聞有救世大功德 願佛受我最勝供

爾時地藏菩薩摩訶薩，說是偈已頂禮佛足，於是世尊，復說偈言，

欲起堅固淨智者 能滅眾生諸煩惱 令眾得樂如寶手 能斷結網如金剛
汝起大悲諸精進 以是供養最勝尊 其心如海救一切 度諸眾生苦彼岸

爾時地藏菩薩摩訶薩，作禮而起，白佛言：世尊！我當濟度此四天下，增長比丘、比丘尼，優婆塞、優婆夷，增長護念，增長壽令身無疾病，增長色力，增長名稱，增長資業，增長親友，增長眷屬，增長信戒，增長多聞，增長於施，增長忍辱，增長方便，增長覺意及諸聖諦，增長入於大乘一切正道，增長照明真實法相，增長成熟一切眾生，增長發大慈悲喜捨，增長無量一切淨法，增長妙稱名聞三界，增長法雨潤三有流，增長大地一切物味，增長眾生所有善業，增長法氣

無數福行，增長智慧皆悉照明，增長六波羅蜜所行之道，增長五眼通達無礙，增長灌頂，增長涅槃，增長威德照明一切未曾有法，眾德究竟記莚呪術陀羅尼章句，我於過去恒河沙佛所，皆悉受持如是等呪，增長白淨具足之法，增長種子根莖華果一切藥穀，增長雲雨地水火風，增長福樂，增長財物，增長無量最勝果報，增長基業。

十、十齋日唸佛修持功德說明

(一) 《地藏菩薩本願經》所述

《地藏菩薩本願經》云：「復次，普廣！若未來世眾生，於月一日、八日、十四日、十五日、十八日、二十三、二十四、二十八、二十九日，乃至三十日，是諸日等，諸罪結集，定其輕重。南閻浮提眾生，舉止動念，無不是業，無不是罪，何況恣情殺害、竊盜、邪淫、妄語，百千罪狀？能於是十齋日，對佛菩薩諸賢聖像前，讀是經一遍，東西南北，百由旬內，無諸災難。當此居家，若長若幼，現在未來百千歲中，永離惡趣。能於十齋日每轉一遍，現世令此居家無諸橫病，衣食豐溢。」

(二) 《佛說地藏菩薩發心因緣十王經》所述

《佛說地藏菩薩發心因緣十王經》亦云：「爾時閻魔法王重告大眾，我以閻浮日月所行，正、五、九月長月，十齋殊向閻浮於人眾同分，為作善福人遣監福、監醮，使乘飛面白馬，至須臾之頃，見所作業，即還須臾向我說所見福，為作惡罪人遣通奏通府使至如上使。我今慇懃斷眾生業，眾生不知恣作惡業，墮三惡道，非我無悲心，善福眾生於十齋日受持十戒存當苦悲。

一日至心進念定光佛。

八日至心進念藥師琉璃光如來。

十四日至心進念賢劫千佛。

十五日至心進念阿彌陀佛。

十八日至心進念地藏菩薩，從旦至食供養稱名必定不受四惡道苦。

二十三日至心進念勢至菩薩。

二十四日至心進念觀世音菩薩。

二十八日至心進念毗盧遮那如來。

二十九日至心進念藥王菩薩。

三十日至心進念釋迦牟尼佛。

如是十齋修習一年，能持十戒、能念十尊，能除疫病、五病鬼使，得壽百年，得福百秋。命終之後，生諸佛國。復能於我及奪魂神名拏吉尼眾，并傳屍鬼名，起死鬼制咀羅月(正月)、室羅伐拏(五月)、未伽始羅(九月)，於白黑七日至黃昏時供養我等，所謂香花、金米、銀錢、銀幡、銀幣、仙果二種(石榴棗果)、清茶正向北方，皆備諸供，一心頂禮至心請念大神呪一百八遍，我閻魔王并諸眷屬哀愍納受供養已後，錢幡幣等皆是醮之。當爾之時，以本誓力雖著死簿，反著生書，橫死非命，必轉延壽，受持不綺語戒之人，必定不受橫死非命，即於佛前說神呪曰。唵 炎摩曳 達羅磨 羅闍耶 薩縛賀(此咒前已述及)。

有關閻魔王等，曾受佛記當成佛，名普賢王如來。《佛說預修十王生七經》云：「佛告諸大眾，閻羅天子，於未來世，當得作佛，名曰普賢王如來，十號具足，國土嚴淨，百寶莊嚴，國名華嚴，菩薩充滿，讚曰：

世尊此日記閻羅 不久當來證佛陀 莊嚴寶國常清淨 菩薩修行眾甚多

世尊！閻羅天子，以何因緣，處斷冥間。復於此會，便得授於當來果記。佛言：於彼冥途，為諸王者，有二因緣。一是住不思議解脫不動地菩薩，為欲攝化極苦眾生，示現作彼琰魔等王。二為多生習善犯戒故，退落琰魔天中，作大魔王，

管攝諸鬼，科斷閻浮提內，十惡五逆，一切罪人，繫閻牢獄，日夜受苦，輪轉其中，隨業報身，定生注死。今此琰魔天子，因緣已熟，是故我記，來世寶圓，證大菩提，汝等人天，不應疑惑。」

(三)T2850 地藏菩薩十齋日說明

(1)一日——童子下，念定光如來，不塗刀鎗地獄，持齋除罪四十劫。

每月初一日，有勘問、權詐、考訊、推鞠、察訪、披究、照明善惡童子，手執文簿辭辯諸事。定光如來即燃燈如來，梵名 **Dīpaṅkara**，音譯提和竭羅、提洹竭。出現於過去世，曾為釋尊授記之佛。又作錠光如來、然燈如來、普光如來、燈光如來。關於其本緣，據增一阿含經卷十三所載，過去久遠劫有王名為地主，將統領之閻浮里地半分子其臣善明統治，善明之第一夫人日月光生子之際，閻浮里內金光晃然，該子顏貌端正，具三十二相，因而名為燈光。年二十九，出家學道，即夜成佛。善明王與四十億眾詣燈光如來，聽其說法，如來又至地主王處，為其說法。此處，地主王乃釋尊自身，燈光如來即善明之王子，出現於地主王治下，而受其供養。此日能持齋唸定光如來名號，過一日清淨無過失出家生活，如八關齋戒，不塗刀鎗地獄，即不下刀鎗地獄。

(2)八日——太子下，念藥師琉璃光佛，不塗糞屎地獄，持齋除罪三十劫。

每月初八日，諸天太子下凡塵，考核人間善惡，若有人於次日唸藥師琉璃光佛，過一日清淨無過失出家生活，如八關齋戒，即能不塗糞屎地獄，即不墮糞屎地獄。能持齋者除罪三十劫。

(3)十四日——察命下，念賢劫千佛，不塗鑊湯地獄，持齋除罪一千劫。

每月初十四日，當有方便觀察命行者下凡，無常迅速如是。是日能唸賢劫千佛名，過一日清淨無過失出家生活，如八關齋戒，即能不墮鑊湯地獄，持齋除罪一千劫。

(4)十五日—五道大將軍下，念阿彌陀佛，不墮寒水地獄，持齋除罪二百劫。

每月初十五日，當有五道(地獄道、餓鬼道、畜生道、人道及天道等。)大將軍下，是日能唸阿彌陀佛名，過一日清淨無過失出家生活，如八關齋戒，不墮寒水地獄，持齋除罪二百劫。

(5)十八日—閻羅王下，念觀世音菩薩，不墮劍樹地獄，持齋除罪九十劫。

每月初十八日，當有夜摩天閻羅王下凡，此日能唸念觀世音菩薩佛名，過一日清淨無過失出家生活，如八關齋戒，不墮劍樹地獄，持齋除罪九十劫。

(6)二十三日—天大將軍下，念盧舍那佛，不墮餓鬼地獄，持齋除罪一千劫。

每月廿三日，有四方守護佛法之四大善神，北方之散脂大將、東方之樂欲大將、南方之檀帝大將、西方之善現大將。此日當有大將軍下凡，日能唸盧舍那佛佛名，過一日清淨無過失出家生活，如八關齋戒，不墮餓鬼地獄，持齋除罪一千劫。

(7)二十四日—太山府君下，念地藏菩薩，不墮斬斫地獄，持齋除罪一千劫。

每月廿四日，此日當有天曹天府太山府君下，是日能唸地藏菩薩佛名，過一日清淨無過失出家生活，如八關齋戒，不墮斬斫地獄，持齋除罪一千劫。

(8)二十八日—帝釋下，念阿彌陀佛，不墮鐵鋸地獄，持齋除罪九十劫。

每月廿八日，此日帝釋天主下，是日能唸阿彌陀佛佛名，過一日清淨無過失出家生活，如八關齋戒，不墮鐵鋸地獄，持齋除罪九十劫。

(9)二十九日—四天王下，念藥王藥上菩薩，不墮磔摩地獄，持齋除罪七千劫。

每月廿九日，是日四天王下，是日能唸藥王藥上菩薩佛名，過一日清淨無過失出家生活，如八關齋戒，不墮磔摩地獄，持齋除罪七千劫。

(10)三十日一梵天王下，念釋迦牟尼佛，不墮寒冰地獄，持齋除罪八千劫。

每月三十日，是四天王下，是日能唸釋迦牟尼佛名，過一日清淨無過失出家生活，如八關齋戒，不墮寒冰地獄，持齋除罪八千劫。

十一、《地藏菩薩本願經》說什麼法？

(一) 地藏菩薩所度當度眾生無量無邊

世尊於忉利天說法，這時十方一切諸佛、菩薩、梵天、諸天、神鬼等前來集會，其數無量無邊，還有地藏菩薩所度、當度、未度的一切眾生，其數量是不可數說。

《地藏菩薩本願經》云：爾時，釋迦牟尼佛告文殊師利法王子菩薩摩訶薩：「汝觀是一切諸佛菩薩，及天龍鬼神，此世界，他世界，此國土，他國土，如是今來集會，到忉利天者，汝知數不？」文殊師利白佛言：「世尊！若以我神力，千劫測度，不能得知。」佛告文殊師利：「吾以佛眼觀故，猶不盡數。此皆是地藏菩薩久遠劫來，已度、當度、未度，已成就、當成就、未成就。」

文殊師利白佛言：「世尊！我已過去久修善根，證無礙智，聞佛所言，即當信受。小果聲聞、天龍八部，及未來世諸眾生等，雖聞如來誠實之語，必懷疑惑，設使頂受，未免興謗。唯願世尊，廣說地藏菩薩摩訶薩因地作何行？立何願？而能成就不思議事。」佛告文殊師利：「譬如三千大千世界，所有草木叢林，稻麻竹葦，山石微塵，一物一數，作一恒河，一恒河沙，一沙一界。一界之內，一塵一劫，一劫之內，所積塵數，盡克為劫。地藏菩薩證十地果位已來，千倍多於上喻。何況地藏菩薩在聲聞、辟支佛地。文殊師利！此菩薩威神誓願，不可思議。若未來世，有善男子、善女人，聞是菩薩名字，或讚歎，或瞻禮，或稱名，或供養，乃至彩畫、刻鏤、塑漆形像，是人當得百返生於三十三天，永不墮惡道。」

（二）地藏菩薩受佛託付救度眾生

地藏菩薩分身遍及虛空各世界，無量地藏分身亦來集會。地藏菩薩分身無量，於此會中後合一身，…。這麼多的地藏菩薩分身，分佈於全虛空諸世界裡，救度一切眾生。娑婆世界眾生頑劣，世尊特別交代地藏菩薩，要教導每一個有點善根眾生行善，讓他不墮三惡道，直到彌勒佛出世為止。

故本經云：「爾時，百千萬億不可思、不可議、不可量、不可說、無量阿僧祇世界，所有地獄處，分身地藏菩薩，俱來集在忉利天宮。以如來神力故，各以方面，與諸得解脫從業道出者，亦各有千萬億那由他數，共持香華，來供養佛。彼諸同來等輩，皆因地藏菩薩教化，永不退轉於阿耨多羅三藐三菩提。是諸眾等，久遠劫來，流浪生死，六道受苦，暫無休息。以地藏菩薩廣大慈悲，深誓願故，各獲果證。既至忉利，心懷踊躍，瞻仰如來，目不暫捨。」

「爾時，世尊舒金色臂，摩百千萬億不可思、不可議、不可量、不可說、無量阿僧祇世界諸分身地藏菩薩摩訶薩頂，而作是言：『吾於五濁惡世，教化如是剛彊眾生，令心調伏，捨邪歸正。十有一二，尚惡習在。吾亦分身千百億，廣設方便。或有利根，聞即信受。或有善果，勤勸成就。或有暗鈍，久化方歸。或有業重，不生敬仰。如是等輩眾生，各各差別，分身度脫。或現男子身，或現女人身，或現天龍身，或現神鬼身，或現山林川原、河池泉井，利及於人，悉皆度脫。或現天帝身，或現梵王身，或現轉輪王身，或現居士身，或現國王身，或現宰輔身，或現官屬身，或現比丘、比丘尼、優婆塞、優婆夷身，乃至聲聞、羅漢、辟支佛、菩薩等身，而以化度。非但佛身，獨現其前。汝觀吾累劫勤苦，度脫如是等難化剛彊罪苦眾生。其有未調伏者，隨業報應。若墮惡趣，受大苦時，汝當憶念吾在忉利天宮，殷勤付囑。令娑婆世界，至彌勒出世已來眾生，悉使解脫，永離諸苦，遇佛授記。』」

「爾時，諸世界分身地藏菩薩，共復一形，涕淚哀戀，白其佛言：『我從久遠劫來，蒙佛接引，使獲不可思議神力，具大智慧。我所分身，遍滿百千萬億恒河沙世界。每一世界，化百千萬億身。每一身，度百千萬億人，令歸敬三寶，永離生死，至涅槃樂。但於佛法中，所為善事，一毛一滷，一沙一塵，或毫髮許，我漸度脫，使獲大利。唯願世尊不以後世惡業眾生為慮。』如是三白佛言：『唯願世尊不以後世惡業眾生為慮。』」

(三)摩耶夫人問無間地獄概況

有世界有女人，有世界無女人，有世界有地獄，有世界無地獄。我們娑婆世界眾生頑劣，而造惡業感招地獄苦，地藏菩薩疲於奔命地度脫三惡道眾生苦難，從無有盡期。以下地藏菩薩說明地獄概況。

經云：「爾時，地藏菩薩白聖母言：『南閻浮提罪報，名號如是：若有眾生，不孝父母，或至殺害，當墮無間地獄，千萬億劫，求出無期。若有眾生，出佛身血，毀謗三寶，不敬尊經，亦當墮於無間地獄，千萬億劫，求出無期。若有眾生，侵損常住，點污僧尼，或伽藍內，恣行淫欲，或殺或害，如是等輩，當墮無間地獄，千萬億劫，求出無期。若有眾生，偽作沙門，心非沙門，破用常住，欺誑白衣，違背戒律，種種造惡，如是等輩，當墮無間地獄，千萬億劫，求出無期。若有眾生，偷竊常住財物穀米、飲食衣服，乃至一物不與取者，當墮無間地獄，千萬億劫，求出無期。』地藏白言：『聖母！若有眾生，作如是罪，當墮五無間地獄，求暫停苦，一念不得。』摩耶夫人重白地藏菩薩言：『云何名為無間地獄？』地藏白言：『聖母！諸有地獄，在大鐵圍山之內。其大地獄，有一十八所。次有五百，名號各別。次有千百，名字亦別。無間獄者，其獄城，周匝八萬餘里，其城純鐵，高一萬里，城上火聚，少有空缺。其獄城中，諸獄相連，名號各別。』

『獨有一獄，名曰無間。其獄周匝萬八千里，獄牆高一千里，悉是鐵為，上火徹下，下火徹上，鐵蛇鐵狗，吐火馳逐，獄牆之上，東西而走。獄中有床，遍

滿萬里。一人受罪，自見其身，遍臥滿床。千萬人受罪，亦各自見，身滿床上。眾業所感，獲報如是。又諸罪人，備受眾苦。千百夜叉，及以惡鬼，口牙如劍，眼如電光，手復銅爪，拖拽罪人。復有夜叉，執大鐵戟，中罪人身，或中口鼻，或中腹背，拋空翻接，或置床上。復有鐵鷹，啗罪人目。復有鐵蛇，繳罪人頸。百肢節內，悉下長釘，拔舌耕犁，抽腸剝斬，洋銅灌口，熱鐵纏身。萬死千生，業感如是。動經億劫，求出無期。此界壞時，寄生他界。他界次壞，轉寄他方。他方壞時，展轉相寄。此界成後，還復而來。無間罪報，其事如是。』

『又五事業感，故稱無間。何等爲五？一者，日夜受罪，以至劫數，無時間絕，故稱無間。二者，一人亦滿，多人亦滿，故稱無間。三者，罪器叉棒，鷹蛇狼犬，確磨鋸鑿，剝斫鑊湯，鐵網鐵繩，鐵驢鐵馬，生革絡首，熱鐵澆身，飢吞鐵丸，渴飲鐵汁。從年竟劫，數那由他，苦楚相連，更無間斷，故稱無間。四者，不問男子女人，羌胡夷狄，老幼貴賤，或龍或神，或天或鬼，罪行業感，悉同受之，故稱無間。五者，若墮此獄，從初入時，至百千劫，一日一夜，萬死萬生。求一念間，暫住不得。除非業盡，方得受生。以此連綿，故稱無間。』地藏菩薩白聖母言：『無間地獄，僉說如是。若廣說地獄罪器等名，及諸苦事，一劫之中，求說不盡。』摩耶夫人聞已，愁憂合掌，頂禮而退。」

(四)只要皈依地藏菩薩即能不墮三惡道

大乘菩薩道的可貴在於此等大菩薩威德力殊勝，所以有信心皈依者，都能依此善念而解脫三惡道苦。若是依自己修行，要斷三結一身見、戒禁取、疑心病得須陀洹果，才能不墮三惡道。但得須陀洹果就是不入三惡道，還是要天上人間七次往還才能證阿羅漢解脫道。當須陀洹果行者再來人間時，會依過去業力而生貧賤家都有。而皈依地藏菩薩者，唸地藏菩薩名者，一禮敬、一供養、一讚歎者，都能升天上，最後有世能證佛道。

經云：「未來世中，若有男子女人，不行善者，行惡者，乃至不信因果者，邪淫妄語者，兩舌惡口者，毀謗大乘者，如是諸業眾生，必墮惡趣。若遇善知識，勸令一彈指間歸依地藏菩薩，是諸眾生，即得解脫三惡道報。若能志心歸敬，及瞻禮讚歎，香華衣服，種種珍寶，或復飲食，如是奉事者，未來百千萬億劫中，常在諸天受勝妙樂。若天福盡，下生人間，猶百千劫，常為帝王，能憶宿命因果本末。定自在王，如是地藏菩薩，有如此不可思議大威神力，廣利眾生，汝等諸菩薩，當記是經，廣宣流布。」定自在王白佛言：「世尊！願不有慮。我等千萬億菩薩摩訶薩，必能承佛威神，廣演是經於閻浮提，利益眾生。」定自在王菩薩白世尊已，合掌恭敬，作禮而退。」(待續)